



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1508827
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

16 հուլիսի 2020թ.

ք. Երևան
(կազմման վայրը)

Ակտի հասցեագրեր

«ԼԱՄՕ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	0	8	5	5	8	5	4
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք.Երևան, Նոր Նորք, Բրյուսովի թղմ. 66շ. 34բն.

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 20.05.2020թ-ի թիվ 1508827 որոշման համաձայն «ԼԱՄՕ» ՍՊԸ-ի նկատմամբ իրականացված օպերատիվ-հետախուզական միջոցառումների շրջանակներում 17.06.2020թ-ին ժամը 14:50-ի սահմաններում Կոտայքի մարզ, գ.Արամուս կենտրոնական ճանապարհի միջնամասում հետազոտության է ենթարկվել «Ման» մականիշի 873 ՕՍ 64 համարանիշի ավտոմեքենան:

Իրականացված ուսումնասիրության արդյունքում պարզվել է, որ հիշյալ ավտոմեքենայի վարորդն է հանդիսանում Արամայիս Հակոբյանը, ով Կոտայքի մարզ, Արամուս գյուղում գտնվող Ընկերությանը պատկանող քարի մշակման արտադրամասի հանքավայրից «Բետալո» ՍՊԸ-ին (ՀՎՀՀ՝ 01561233) մատակարարելու նպատակով տեղափոխում էր 21մ³ բազալտե խճաքար, 1մ³ արժեքը 4.920 ՀՀ դրամ:

ՀՀ ՊԵԿ տեղեկատվական բազայում առկա տեղեկությունների համաձայն 17.06.2020թ-ին ժամը 14:50-ի դրությամբ 103.320 ՀՀ դրամ արժողությամբ ապրանքի տեղափոխման համար Ընկերության կողմից դուրս գրված չի եղել որևէ հաշվարկային փաստաթուղթ:

ՕՀՄ-ի շրջանակներում գրավոր հայտարարություն է ներկայացվել է «Լամօ» ՍՊԸ-ի հաշվապահությունը վարող «Ֆինքարփ» ՍՊԸ-ի տնօրեն Նորայր Մուսայելյանի կողմից, որով

վերջինս հայտնել է, որ տվյալ պահին համապատասխան հաշվարկային փաստաթուղթը դուրս չի գրվել տեխնիկական պատճառներով, մինչդեռ այն դուրս է գրվել մոտ կես ժամ ուշացումով:

Թիվ 1508827 արձանագրությամբ 17.06.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «ԼԱՄՕ» ՍՊԸ-ի կողմից խախտումը վերջին 1 տարվա ընթացքում կատարվել է երկրորդ անգամ (ՀՀ ՊԵԿ ԻՎ 16.12.2019թ. թիվ 1506830 վարչական ակտ): Ապրանքների ընդհանուր գումարը կազմում է 103.320 ՀՀ դրամ, որի 100 տոկոսը կազմում է 103.320 ՀՀ դրամ, ուստի օրենսդրական պահանջից ելնելով «ԼԱՄՕ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «ԼԱՄՕ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:

2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:

3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:

4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Վահագն Աբրահամյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտոնական պաշտոնի առաքման դեպքում)

ստորագրությունը

“ ”

2020թ.